



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

LXXXV. Kurfürst Johann verschreibt seinem Hofmeister zu Landsberg an
der Warthe, Hans Promnitz, ein Angefälle, im Jahre 1496.

Nutzungsbedingungen

[urn:nbn:de:hbz:466:1-55359](https://nbn-resolving.org/urn:nbn:de:hbz:466:1-55359)

vnd glawbiger obenbestimte zeit, In vnd mit Craft diez briues: vnd sonderlich befreyen wir sy, fouil des aufz fürstlicher oberkait an vns ist, fur alle vnd iglich zins, vrbet vnd gelts pfleg, so sy Jerlichen vns oder andern von sich geben sollen, dy Inwendig den acht Jaren, wy obenberurt, nicht zugeben, auch fur alle vnd igliche ir gelawbiger vnd schuldiger, benemlich der schult halben, so vor dem brandt gemacht vnd betagt synd. Begern darauff von allen vnd iglichen —

Nach dem Churem. Lehnscopialbuche XXIX, 79.

NB. Die Urkunde ist ohne Datum, wie der Titel zeigt, von dem Aussteller jedoch vor dem Tode seines Vaters erlassen, mithin zwischen 1470 und 1486.

LXXXIV. Notiz über die Belehnung der Strauß mit Wormsfelde, Stolzenberg, Jahnfeld, Zantoch etc., etwa vom Jahre 1492.

Bernt, Claus, hans vnd hans, sein son, Die Strutzen zu Wurmfelde, Curt, Betke, otte vnd otto, hans, Marcus vnd peter Straus zu Stolttemberg, Claus Straus zu kregenick, Jacob, Claus, hans vnd arnolt Straus, alle gebruder vnd vettern, haben Dife Nachgeschriben guter, Nemlichen Wormsfelde mit der mollen, der holzung vnd dem Bruch darbey gelegen, Stoltemberg mit allen gnaden vnd gerechtickaiten, Janffelde die helst, libbenow mit allen gnaden vnd gerechtickaiten, virczehn huben zu Bridow, die baide wuste dorffstetten pynnaw vnd Domerow, libenfelde ganz, Eyn virdentail Im Stettichen Zantoch vnd kycz, Czernikow die helst, hoen kregenick mit allen gnaden vnd rechtten, Czaden mit allen gnaden vnd gerechtickaiten, Die wuste dorffstett kromow vnd Das maiste tail an haufperg von vnserm gnedigen herrn Marggraue Johanzen, Carfurten, zu rechten Manlehn vnd gefampter hant laut des lehn briues, so sie daruber genohmen, empfangen. Actum etc.

Nach dem Churmärkischen Lehnscopialbuche XXIX, 20.

LXXXV. Kurfürst Johann verschreibt seinem Hofmeister zu Landsberg an der Wartze, Hans Promnitz, ein Angefälle, im Jahre 1496.

Wir Johans etc. Bekennen — das wir angesehen vnd erkant haben getrewe, fleißig vnd annheme dinst, so vnser hofmaister zu landsparg an der wart vnd lieber getrewer hans promnitz vnser herschaft vnd vns lange czeit bisher williglich getan hatt vnd hinfurder meher wol thun kan, soll vnd mag, darumb vnd auch von sunderlicher zunaigungen vnd gnaden wegen haben wir In vnd seinen rechten erben auff dem ersten angefell, so vns In vnser newe marck vber

oder heimfallen vnd verledigen wirt vnd hiruor von vns nicht vorschriben oder verlagt ist, zwen hundert Reynisch gulden zugesagt vnd verschriben, zusagen vnd verschriben dem genannten hanfen promnitz vnd seinen rechten erben solchs, wie vorsteet, In vnd mit crafft dits briues, Also wenn vns, vnsern erben vnd nachkomen In vnser newenmarck ein angefell vorledigen vnd heimfallen wirt, Sollen vnd wollen wir, vnser erben vnd nachkomen sy daran weisen, sich defz zugebrauchen, bis so lang sy von vns oder wer sich defz anzihen wirt, angezaigter zwei hundert gulden vergenugt sein. Wer aber das angefell nicht zweier hundert gulden wert, Sollen vnd mogen sy das nach seinen wirtenden annehmen, vnd wir, vnser erben vnd nachkomen wollen Inen die besserung von anderen angefallen, so hernach an vns komen, erstatten. Wir verschriben In hiran alles, was wir In von gnaden vnd rechts wegen hiran verschriben sollen vnd mogen, doch vns, vnsern erben vnd nachkommen an vnser vnd sunst meniglich an seinen rechten on schaden etc. Actum Collen an der Sprew, am Montag nach oculi, Im XCVIten.

Relator dominus per se, durch fritz funken, Secretarium.

Nach dem Churmärkischen Lehnscopialbuche XXIX, 8.

LXXXVI. Lehnbrief für die Familie Strauß über Anttheile an Zantoch und deren übrige Lehnbesitzungen, vom 20. März 1499.

Von gotts gnaden etc. Bekennen vnd thun kunt offentlich mit diesem vnserm briue vor vns, vnser erben vnd nachkomen Marggrauen zu brandenburg vnd sunst vor aller meniglichen, das wir vnsern lieben getrewen Clawfen vnd hanfen, gebrudern zu wurmfeld, Jacoben, hanfen, Clawfen vnd Ebelten, gebrudern zu zernickow, Betken zu Jhanzfelden, Otten zu Stoltenberg, alle gebrudern, vettern, die Struczen genant, dise hirnachgeschriben guter, Jerliche zins vnd Rente, Nemlichen Ein virdenteil an dem Stettichin vnd kicz zu zantoch mit allen gnaden vnd gerechtigkeiten, Item das dorff wurmfeld mit der mollen vnd aller gnaden vnd gerechtigkeiten vnd das wurmfeldische achnbruch bisz an kudam. Item das dorff libeno mit seinen wiszen, mit aller gerechtigkeit, Item das dorff zymeldorff mit aller gerechtigkeit, Item das dorff hoen kregenick mit aller gerechtigkeit, Item das dorff Nydern Satten mit aller gerechtigkeit, Item das dorff hauffberg mit aller gerechtigkeit one Eilff huben, Item die wusten veltmarck Cremo mit holten, wesen vnd aller gerechtigkeit one ein virdenteil, Item das dorff libnfeld mit aller gerechtigkeit, Item die wusten veltmarcken damero mitt aller gerechtigkeiten, Item das dorff zernikow halb mit aller gerechtigkeiten, Item die wusten veltmarck pynno mit aller gerechtigkeiten, Item das dorff stoltinberg mit aller gerechtigkeit, Item Im dorff zw Gralow zwen wispel heidhabern on ein halben scheffel, Item Im dorff Janzfelde achzehnen huben mit aller gerechtigkeit, Item das Sechste teil an der zantische heiden mit aller gnaden vnd gerechtigkeiten zu rechtem manlehne vnd gefambter handt gnediglichen gelihen vnd leyhen Inen die In Crafft vnd macht dits briues etc. Datum landfberg, am Mitwoch nach Judica, Im XCIX. Jare.

Nach dem Churmärkischen Lehnscopialbuche XXX, 53.